

PROTOKOL O RAZVOJU TURIZMA

U JADRANSKO-JONSKOM BAZENU

U OKVIRU

JADRANSKO-JONSKE INICIJATIVE

Vladine institucije nadležne za turizam

Republike Albanije,
Bosne i Hercegovine,
Republike Hrvatske,
Republike Grčke,
Republike Italije,
Crne Gore,
Republike Srbije,
Republike Slovenije,

u daljem tekstu: Potpisnice,

- U skladu s ciljevima navedenim u članu 3, 6. i 7. Deklaracije iz Ankone, usvojene na Konferenciji o razvoju i sigurnosti na Jadranskom i Jonskom moru, održanoj u Ankoni (Italija) 19. i 20. maja 2000;
- S obzirom na to da utvrđivanje zajedničkih prioriteta u polju turizma doprinosi ciljevima Jadransko-jonske inicijative (JJI), i da na kraju «Deklaracija o saradnji iz oblasti turizma» Cetinje, 2005. godine predstavlja važan korak ka izradi zajedničkih akcija;
- S obzirom da turizam predstavlja značajan dio BDP u zemljama potpisnicama i da pridonosi ekonomskom rastu i stvaranju radnih mjesta, te da Jadransko-jonski bazen, zahvaljujući bogatstvu, raznolikosti i komplementarnost svojih prirodnih i kulturnih resursa ima mogućnost da postane integrirana turistička destinacija;
- Uvjerene da se prekograničnim akcijama i drugim zajedničkim mjerama u turističkoj industriji i sličnim sektorima aktivnosti, uključujući i međuuniverzitetsku saradnju, može značajno doprinijeti razvoju turizma u Jadransko-jonskom slivu, u skladu sa Odlukom Vijeća JJI o regionalnom turizmu;
- Svjesne potrebe za povećanjem protoka turista u zonu na integralan i usklađen način; za poticanje tog protoka također ka manje poznatim destinacijama; za izlaženjem na kraj sa sezonskom prirodnom tog pitanja i rasterećenjem turističkih objekata, čime bi se, pod najboljim uslovima predstavile nove komponente prirodne i kulturne ponude regije;

- Svjesne potrebe za poboljšanjem vidljivosti prirodnih i kulturnih resursa, u cilju promicanja održivog razvoja turizma, a u skladu sa principima UNWTO Globalnog Etičkog kodeksa u turizmu;
- Svjesne da, gdje je to predviđeno Ustavom i zakonima zemalja potpisnica, regionalne i lokalne vlasti zajedno s privatnim sektorom mogu vršiti diverzifikaciju svoje turističke ponude putem inovativnih pristupa i alternativnih proizvoda, kao i predložiti zajedničke projekte koji ističu zajedničko naslijeđe;

Usuglasile su se kako slijedi:

1. Ovaj Protokol usmjeren je na definiranje zajedničke vizije za učinkovito poticanje razvoja Jadransko-jonskog bazena kao integrirane turističke destinacije. U tom okviru, prekograničnim akcijama će se proširiti korištenje prirodnih i kulturnih resursa na održiv način, uzimajući u obzir i interese lokalnog stanovništva i potrebe turista.

2. Potpisnice se obavezuju na podržavanje politika i strategija usmjerenih na poticaj razvoja konkurentnog i održivog turizma, od pomorskih djelatnosti do promocije netradicionalnih i destinacija u unutrašnjosti, u cilju predvođenja društvenog i ekonomskog rasta u toj oblasti na okolišno prihvatljiv način.

3. Potpisnice će, u saradnji sa regionalnim i lokalnim vlastima, promovisati regionalnu saradnju u oblasti turizma, koliko je to moguće, te će poticati djelotvornu sinergiju između javnog i privatnog sektora.

4. Aktivnosti koje promiču zemlje potpisnice će povećati kvalitet turističke ponude u jadransko-jonskoj regiji, u svim različitim komponentama. Mreža Jadransko-jonske saradnje na nivou komora, gradova i sveučilišta je dobrodošla, radi da davanja konkretnih prijedloga za izradu specifičnih prekograničnih projekata.

5. Pri razvoju konkretnih projekata, javni i privatni i sektor će se oslanjati na podršku nacionalnih uprava, u skladu s postojećim institucionalnim okvirima, a u cilju pribavljanja finansijskog doprinosa iz EU, kao i iz međunarodnih izvora. Po postojećem Protokolu za zemlje potpisnice nisu predviđene finansijske obaveze iz državnog budžeta.

6. Svi projekti urađeni u skladu s ovim Protokolom bit će dostavljeni Vijeću JJI na potvrdu. Zemlje potpisnice će biti obaviještene o planiranim i zajedničkim projektima u oblasti turizma u jadransko-jonskoj regiji, koji su u toku, bez obzira na njihovu stvarnu uključenost u iste. Organizaciona struktura pojedinačnih projekata bit će precizno usklađena s konkretnim interesima učesnika.

7. Zemlje članice će poticati razmjenu iskustava i najbolje prakse, te raspravu o zajedničkim naporima u Radnom tijelu JJI-tj. „Okruglom stolu o kulturi, turizmu i međuuniverzitetskoj

saradnji, Sto o turizmu“ uz pomoć Stalnog sekretarijata JJI, prikupljanjem relevantnih podataka i informacija.

8. Ovaj Protokol stupa na snagu na datum kad ga potpišu sve zemlje članice.

Jedna kopija originala ovog Protokola na engleskom jeziku bit će deponirana pri Stalnom sekretarijatu JJI u Ankoni (Italija).

Zaključeno u Rimu, 09.05.2010. godine

Za vladine institucije nadležne za turizam

Republike Albanije

Bosne i Hercegovine Mladen Zirojević, s.r.

Republike Hrvatske

Republike Grčke

Republike Italije

Crne Gore

Republike Srbije

Republike Slovenije